

玄覽堂叢書

第一一五冊

東坡全集

卷一百一十五

慟哭時艱疏

劉宗周

都察院

爲慟哭時艱立伸討賊之義事痛我

高皇帝以用夏變夷旋乾轉坤之大業而一旦爲奸臣賊子所賣致

國破

君亡此變亘古未聞普天飲恨

皇祖有靈啓我

陛下重建

甲申紀事

慟哭時艱疏一

卷十

舊都正位凝命。今日

中興大業。舍討賊復讐。因無以表

陛下當日渡江之心。而苟非

陛下毅然決策親征。亦何以作天下忠臣義士之氣。此一時也。

先皇帝一十七載之哀慕。方深。人人致死。殺編官。擄叛將。力俘逆賊。只在

陛下先聲一震間。真

中興第一義也。至于討賊之法，次第亦有可言者。
一曰據形勝以規進取。江左非偏安之業，請進而
圖江北。今淮鳳等處雖各立重鎮，尤當重在鳳陽
而駐以

陛下親征之師。夫

中都固天下之樞也。東扼徐淮，北控豫州，西顧荆
襄而南去金陵，亦不遠。以此漸恢漸進，秦晉燕齊
必當有響應而起者。兼開一面之網，聽其殺賊，自

雖必不可
行亦何可
無此議論

效賊勢益孤賊黨自盡矣。一曰重藩屏以資彈壓。地方之見賊而逃也。總繇督撫非才不克彈壓。卽如淮揚數百里之間。有兩節鉞而不能禦亂卒之南下。至淮北一塊土拱手而授之賊。尤可恨者。路振飛坐守淮城。久以家眷浮舟于遠地。是倡逃之實也。于是鎮臣劉澤清高傑遂相率有家屬寄江南之說。尤而效之。又何誅焉。按軍法臨陣脫逃者斬。臣謂一撫二鎮皆可斬也。然必先治撫臣不律。

不難重其
事權難于
勝任者耳

之罪而後可行于鎮臣請自今加重撫臣撫臣事
權專責以彈壓鎮臣且不宜多設督臣以滋牽制
之弊如此而後武功可得而奮也一曰慎爵賞以
肅軍情今天下兵事不兢極矣無故而絕糧餽既
以長其跋扈而士卒仍不能飽益增戾戾之呼將
悍兵驕有自來矣今請

陛下親征所至亟問士卒其苦而身與共之乃得漸
資騰飽徐張撻伐一面分別各帥之封賞孰應孰

濫輕則量收重則并奪軍功既覈軍法益伸左之
右之無不用命夫以左帥之恢復焉而封高劉之
敗逃也而亦封又誰爲不封者武臣既濫文臣隨
之外廷既濫中璫從之臣恐天下聞而解體也一
曰覈舊官以立臣紀

燕京旣破除一二殉難諸臣已經

恩詔優卹矣此外有受僞官而叛者有受僞官而逃
者有在封守而逃者有在使命而逃者臣不能一

一悉數其人。而于法皆在不赦。急宜分別定罪。爲戒將來。而至于僞命南下。徘徊于順逆之間者。相傳實煩有徒。必且倡爲一種曲說。以惑人心。不特僞官僞弁。真官亦化爲僞。而天下事益不可爲。其或陰陽詭秘。爲賊行間。尤當顯示誅絕。無墮狡計。行此數者。于討賊復讐之法。亦畧具是矣。若夫邦本之計。貪官當逮。酷吏當誅。循良卓異。當破格旌異。則有安撫之役在。無俟臣一一而臣更有不忍。

言者當此

國破

君從之際。普天臣子。皆當致死。幸而不死。反膺陞級。能無益增天譴。除濫典不宜。槩行外。此後一切大小銓除。仍請暫稱。行在少存。臣子負罪引慝之誠。詩不云乎。天之方。蹙。無然泄泄。統惟。

睿炤採擇施行。

追發大痛疏

劉宗周

草莽孤臣劉宗周泣血謹

奏爲追發

先帝大痛以伸大讐事。嗟乎。國破君亡。何代蔑有。惟是宇宙之所以嘗存而不毀者。止此綱常名教。子以之事其父。臣以之事其君。不可不明于世耳。

先帝身殉社稷。正命考終。凜然著春秋之大義。燕貽之善。遂遺我

皇上以中興大業。

踐祚伊始。知無刻不以討賊復讐爲事。而獨怪廷臣中謀國無能。旬月以來。絕無一舉一動。可以慰先帝之靈。撫今追昔。有不能令人不髮指者。臣請得而追訟之。

國難之有勤王也。自己巳以來四矣。何獨寬于今日。乃賊兵入秦踰晉。漸逼畿南。

京師坐困。遠近洶洶。然大江以南。宴然無恙也。而

二三督撫曾不聞遣一人一騎北進以壯聲援賊
遂得長驅犯

關坐視

君父之危亡而不之救。如曰兵不成。兵餉不成。餉將
平日料理之謂何。平日既無料理。勢不得不以
君父爲孤注。則封疆諸臣之坐誅者一既而

大行之凶聞確矣。數天痛憤。諸臣奮戈而起。決一戰
以贖前愆。又當不俟朝食而方且仰聲息于南中。

爭言固圉之策。卸兵權于閫外。首圖定策之功。仍復安坐地方。不移一步。此時總督尚有張國維親承

先帝之命。儘得便宜。率諸撫臣鼓行而前。淮揚上下早已廓清。勢如破竹。而國維反滯家園。意在卸擔委

君命于草莽。而不顧他又無暇問已。則封疆諸臣之坐談者二。夫諸臣不驟言進兵。猶曰事無稟承。迨

新朝既立之後。臣謂第一義必遣北伐之師矣。不然而亟馳一介使資蠟丸。問道北進。或檄燕中父老。或起塞上夷王。共激讐耻。哭。

九廟之靈。奉安。

梓宮兼訪。

諸皇子所在的。耗苟效包胥之義。雖逆賊未始無良心。而諸臣計不出此也。又不然。而亟起閩帥鄭芝龍。以海師直搗燕都。令九邊督鎮捲甲銜枚出。

其不意事或可幾而諸臣又不出此也紛紛制作
盡屬過面

天假之靈僅令吳鎮諸逋臣一奏

燕京之捷將置我南中面目于何地則舉朝謀國
不忠之坐誅者三而更有難爲解者

先帝旣已升遐發喪有日矣頒行喪

詔係何等大典而遲滯日久距今月餘未至臣鄉在
浙如此遠省可知時移事換舛謬錯出卽成服祇

成名色是

先帝終無服于天下也。小功不稅。君子譏之。况三年之通喪乎。則今日典禮諸臣之坐誅者。四至罪廢諸臣量從昭雪。自應援

先帝遺詔而及之。乃廷臣不能仰宣

陛下德意。一槩徑用

新恩。卽

先帝誅璫鐵案前後